

## Garó Manderangi Gimin Kandike Talatani

### Garó Language

Garó ku·sik, Garó Hills o aro Garó Hills ni apalo dongipa Garó manderang jerangan antangtango A·chik ine aganachim, ia manderangni agangrikna jakalgipa kusik ong·a.

Garó Hills, ian Meghalaya a·dokni damsá mongsongbatgipa district ong·a. Brithish rangni re·bana skangde Garó hills ko apalchini manderang darangba masijachim. Jensomoio British rang songdong achanagita abachengaha unonisa Garó Hills ko apalchini manderang masian baksana District dake ba Brithishrang ma·eke 1867 december o on·aha.<sup>1</sup>

Garó Hills ni area aro biap maidakgipa onga uko niate nigenchim ongode apala 8,000 sq km mang ong·a<sup>2</sup> aro ian diltubegipa burung bolgrim gnaggipa a·dok chiga ba onga ine agana. Garó manderangko Garó Hills osan ongaigija North East Indiani dingtang dingtang ajarango, Indiani gipin states rango aro Indiani apaloba nknagita mangen jekai West Bengal aro Bangladesh.<sup>3</sup>

Garó manderang banoni aro maidake Garó Hills o songdongeaha iako sandie nianigitade indake aganritingba·aniko daka, Garó rang Torua mingipa biaponi nama, dongtoa a·dok chigako sandie rebrangba·aha ina. Torua a·song ian Tibeto donga aro ian North Western China ni Yang-Tse-Kiang aro Hoang-Ho ingipa chibima dilgnini bijangchio ba chichango donga ine a·gana.<sup>4</sup>

### Garó Mande

Meghalaya o songdongiparangoni jalbatgipa jatrangoni jatsa de Garórangon ong·a. Asongchiga sandibamiting dobamiting somoio dingtang dingtang biaprango songdongbae aro dingtang dingtang biaprangita Garó Hills ona napbae dakbewal rikbewalo aro agan bewalanirango ontisa jol ni kri dingtangrikba·aha ine a·gana. Iarangni aselan Garó rangko dingtang dingtang dol dake maeke biapni kri agannagita mana. Jekai *A·kawe* ba *A·we*, *Chisaks*, *Dual*, *Matchi*, *Matabeng*, ba *matjangchi*, *Chibok*, *Ruga*, *Gara* ba *Ganching*, *Atong*, aro *Megam*.<sup>5</sup> Dakarikani aro kusik aganbewalanigitade Garó rang Boro kachari rangming apsananga ineba agananiko daka.

### Daka rikanirang (Culture)

Garó rang pagipachinikio ongija magipachiniko chatchi deaniko daka. Magipachiniko chatchi deani gimin magipa·an gimmikni kosako bil mana indake ongja, diba nok ko sason kagipade nokdangni pagipasa

---

<sup>1</sup> Julius. R. Marak, *Garó customary Laws and Practices* (Delhi: Akansha Publishing House, 2000), 211.

<sup>2</sup> "Garó Hills-the Ecological Canvas of Meghalaya", the official website of Meghalaya tourism: <http://megtourism.gov.in/dest-garo.html>, (accessed January 11, 2012)

<sup>3</sup> Milton S. Sangma, *Political History of the Garos of Goalpara-Kamrup of Assam* (Tura: D. J Publication, 2012), 1.

<sup>4</sup> Ibid.

<sup>5</sup> Milton S. Sangma, *History and Culture of the Garos* (Guwahati: North East Printing press, 2012), 4-5.

jekon 'nokni padot' ine aganachim uchisa ka'a aro nokni padotan nokdango mande ra'aniko manbatgipaba onga ine agana.<sup>6</sup>

### ***Garorangi bebe ra.baani***

Garorango atchu ambionin dingtangmancha bebe ra'baani aro olakkibaani donga. Ia toromkon Songsarek ine agana. Garo rang dingtangmancha pilakko dakgipa rugipa Isol donga ine bebera. aan baksanaba dingtang dingtang nikgijagipa bilrangoba bebe ra'aniko daka. Diba jensomoio kristian torrom Achik asongona sokba. ahachim kasinsin *atchu ambi oni jarikbaengipa olakiani bewalrang gima. angnagita abachengaha aro bangbata manderangan Kristian ongtokaha.*

### **Garorangni Kristian ongbachengani**

A'chik manderangni Kristian onganian A'chik asongna dingtanganiko ra.baaha. North-East Indiani dingtang dingtang ajarango Missionary rangni rebae kam ka.anichi maikai manderang kristian onghachim indake Garo rang Christian ongjaha, diba Omed aro Ramkhe, mamasa ni kristoko rachakchenge antang manderangona Kristoni kattako ra.anganichisa abachengahaine William Carry, Garo Jungle book o agananiko daka.<sup>7</sup>

### **Garobaptist Church**

Omed aro Ramkhe ma.ang mamasani kristoni kattako aganprakani jamano American Baptist Missionary rang Garo Hills ona reba.aha ro kam kanagitagita abachengaha.

Garo Baptist Convention (GBC) ni report onanigitade da.o million 2 rangna baten Christian rang donga ia million 2 oni 150,000 nigitade Bangladesh o donga ine agana.<sup>8</sup>

### **Garobaptist Convention**

Garo Baptist church gimikan GBC ni ningo onga. Jensomoio Missionary rang Garo Hills o kam kana abachengaha, 1890 rangni somoio GBC ko abachengdile onaha. GBC ni ningo 12 (chigni) associations rang donga jekon Krima ine agana aro 154 gilja nokrang donga.<sup>9</sup> Garo manderangni center ongbatgipa biap Tura an ongani gimin Turako GBC ni head quarter dake donaha.

John Marak

---

<sup>6</sup> Julius. R. Marak, *Garos customary Laws and Practices*, 22.

<sup>7</sup> William Carry, *Garos Jungle book*, (Philadelphia: The Judson Press), 59.

<sup>8</sup> A short description of the organization's history, GBC: [http://www.gbc-bd.org/index\\_3.php](http://www.gbc-bd.org/index_3.php), (accessed January 20, 2013).

<sup>9</sup> A'chik Baptist Krima No. IV, [http://www.gbc-bd.org/index\\_3.php](http://www.gbc-bd.org/index_3.php), (accessed January 21, 2013).